



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-027-4/22**
Datum: **18.03.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica Javno komunalno preduzeće «VISOKO» d.o.o. Visoko za donošenje rješenja o vodnoj dozvoli za zahvatanje vode sa izvorišta «Vrutak» a za potrebe snabdijevanja pitkom vodom potrošača na području grada Visoko, na osnovu člana 139. stav 1. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH» br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu Javno komunalno preduzeće «VISOKO» d.o.o. Visoko za zahvatanje vode sa izvorišta «Vrutak» a u svrhu snabdijevanja pitkom vodom potrošača na području grada Visoko.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz sljedeće uslove:
 - 2.1. Da se iz bunara izgrađenih u sklopu izvorišta «Vrutak», vrši crpljenje vode u optimalnoj količini, tj. pod istim uslovima pod kojim je utvrđena njihova optimalna izdašnost od 100 l/s te da se ista u toku eksploatacije ne prekoračuje.
 - 2.2. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.3. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.4. Da korisnik predmetnih objekata obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.5. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o higijenskoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.6. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži a u skladu sa Pravilnikom o higijenskoj ispravnosti vode za piće.
 - 2.7. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode («Službene novine Federacije BiH», broj 83/08).
 - 2.8. Da se na području vodozahvatne zone sprovode zaštitne mjere za izvorišta, a po Odluci o zonama sanitarne zaštite izvorišta «Vrutak» i «Šećine njive» općina Visoko, broj: 01/1-02-46/19 od 22.02.2019. godine («Službeni glasnik Općine Visoko», broj 02/2019). Ova Odluka je bazirana na važećem Pravilniku o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Javno komunalno preduzeće «VISOKO» d.o.o. Visoko, obratilo se ovoj Agenciji dana 31.01.2022. godine sa zahtjevom za izdavanje vodne dozvole za zahvatanje vode sa izvorišta «Vrutak» a u svrhu snabdijevanja vodom potrošača na području grada Visoko.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 043-0-Reg-21-001300 izdatog dana 24.12.2021. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 14.05.2014. godine od strane Porezne uprave Federacije BiH-Kantonalni porezni ured Zenica,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-3622-2/14 izdatog dana 04.06.2014. godine od strane Uprave za indirektno-neizravno oporezivanje Banja Luka,
- Kopija Odluke o vodovodu i kanalizaciji broj: 01-23-1-681-2/21 donesene dana 05.07.2003. godine od strane Općinskog vijeća Visoko («Službeni glasnik Općine Visoko» broj: 4/03),
- Kopija Odluke o izmjenama i dopunama Odluke o vodovodu i kanalizaciji broj: 01/1-02-326/17 donesene dana 29.09.2017. godine od strane Općinskog vijeća Visoko,
- Kopija Rešenja o vodnoj dozvoli broj: UP-I/25-3-40-527-4/16 izdatog 20.12.2016. godine od strane «Agencije za vodno područje rijeke Save» Sarajevo,
- Kopija Izvještaja o ispitivanju vode za piće broj: 14.03.01-60824/22 od 07.03.2022. godine urađenog od strane Instituta za zdravlje i sigurnost hrane Zenica,
- Kopija Odluke o zonama sanitarne zaštite izvorišta «Vrutak» i «Šećine njive» općina Visoko broj: 01/1-02-46/19 od 22.02.2019. godine («Službeni glasnik Općine Visoko», broj 02/2019),
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog izvorišta u naselju Buci, grad Visoko te je sačinjen zapisnik o izvršenom uviđaju broj: UP-1/21-3-40-027-3/22 od 09.03.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Izvorište «Vrutak» locirano cca 5-7km jugozapadno od Visokog na lokalitetu Buci na lijevoj obali rijeke Fojnice predstavlja glavno izvorište sa kojeg se vrši vodosnabdijevanje stanovništva uže urbane zone i pojedinih prigradskih naselja grada Visoko. Za predmetno izvorište je od strane ove Agencije ranije izdato Rješenje o vodnoj dozvoli broj: UP-I/25-3-40-527-4/16 od 20.12.2016. godine. Na izvorištu su izgrađena tri eksploataciona bunara (BV-1, BV-2, BV-3) u kojima su instalirane potopljene pumpe. Ukupna izdašnost bunara je 100l/sec. Na izvorištu je uspostavljen sistem kontinuiranog praćenja količina zahvaćenih voda i nivoa podzemnih voda. Dezinfekcija vode vrši se gasnim hlorom u hlornoj stanici. Skladištenje hlora se vrši u namjenskoj prostoriji u sklopu pumpne stanice.

Mjerenje količina zahvaćene vode vrši se pojedinačno na svakom bunaru kao i zbirno mjerenje mjernom blendom smještenom u vodomjernom oknu lociranom ispred pumpne stanice. Prema izjavi predstavnika podnosioca zahtjeva, u toku su radovi na servisiranju mjerne opreme a redovno se radi mjerenje količina zahvaćene vode i na ulazu u rezervoar.

Redovno se vrši kontrola kvaliteta zahvaćene i isporučene vode od strane ovlaštene laboratorije.

Za predmetno izvorište donesena je Odluka o zonama sanitarne zaštite izvorišta usaglašena sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).

Prva zaštitna zona oko izvorišta u kojoj su locirani bunari, monitoring objekti-pijezometri, pumpna stanica, trafostanica i administrativni objekat, je propisno ograđena i zaštićena od neovlaštenog pristupa sa obezbijeđenim 24-satnim nadzorom sve u skladu sa Odlukom.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-027-2/21 od 11.02.2022. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Javno komunalno preduzeće «VISOKO» d.o.o. Visoko, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uslovima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva, Javno komunalno preduzeće «VISOKO» d.o.o. Visoko, ispunio minimum uslova za izdavanje vodne dozvole za zahvat vode sa izvorišta «Vrutak», u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području grada Visoko, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata



Haris Ališehović, dipl.ing.građ.

Dostaviti:

- Javno komunalno preduzeće «VISOKO» d.o.o. Visoko
Naselje Luke II br 16, 71300 Visoko
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava